

續修四庫全書

《續修四庫全書》編纂委員會編

續修四庫全書

上海古籍出版社

一六六四・集部・總集類

皇清文穎續編一百八卷首五十六卷目錄十卷（卷首二十八至卷首五十六，卷一至卷九）

〔清〕董誥等輯

皇清文穎續編卷首二十八

高宗純皇帝聖製詩

七言律詩

讀諸葛武侯傳

盡瘁終身翊赤符豈虞一木不勝扶隴中已走生司
馬地下何慙鬼董狐南北未忘先主志桓文不道仲
尼徒錦官城外森森柏丞相祠堂尙有無

上都懷古

皇清文穎續編

卷首二十八

詩

一

山縈水抱勢寬遼烟堵荆闔跡未銷金椀潼香春正
盪玉盤冰碎暑全消殿礎不見天魔舞岡藥猶思詐
馬朝日暮粉榆喧鳥散寒蟾弄影自飄蕭

赤城

赤城宮闕委榛葭天半雲嵐學起霞控轡追隨銅豹
署懸鈴替戾紫駝車虛無香殿飄丹篆想像粧樓落
粉華金甕葡萄歌勅勒至今成譜入清笳

土木堡

在懷來縣西北木名統漢鎮唐初置後
訛爲土木明永樂初置堡正統末車駕

駐此北狩堡遂
毀嘉靖時重築

繆尋遐跡剩荒城魚魯誰知統漢名寇相難希作孤
注沛公差可喻分羹一時莫禦天驕逞千古無憂野
卉榮詎有閒情憑弔昔存亡畢竟孰凡荆

明史綱目書成有述并序

明史綱目之書不可不亟成之而又不敵率就
之蓋明史已出於百年以後綱目若復遲待咎
將誰諉而取裁義例校閱諸臣一一請示旣以

皇清文穎續編

卷首二十八

詩

二

身任其事則不得徒博欽定名目已也將天下
後世之公論於是乎在書成旣親序以冠簡端
復爲此詩以見意并識有明三百年興亡之概
焉

直道惟憑信史留斯民三代理無偷學探司馬治平
要書纂文公體例優亦曰此心無子奪敢云我志在
春秋編摩端識權衡在魚魯何妨付校讐

蛇分星聚瑞符覃崛起原從皇覺庵燕國帝車遙指

北金陵王氣遂昌南一時開創經猷集弈世風聲節

義談若論

興王自東土比湯慙德更無慙

金川門外血波橫大義奚稱旦輔成難諱齊黃疎計

畧尙憐氣節在公卿緇衣不辨真今偽斗粟從來弟

與兄獨笑吉安胡侍講一豬不忍太癡情

慢言此輩弱而愚甫節魚童何代無不少英明偏授

柄端因威福遂專樞善窺更自依房闔妙術惟應導

皇清文頌續編

卷首六

詩

三

宴娛屋社當年緣底事厲階屢肇自宮徒

持盈保泰信惟難往復平陂理轉環拜疏省僚羣自

去垂衣宮禁尙耽閒蝸蟻三案紛轆轤門戶東林激

變患獨有思陵殉宗社故宜矜惜動

龍顏

賞罰當時猶貴信況於萬世信無刊

二語本方孝孺史論意

來舊史傳三述亦越新編切五難義利纖毫毋或爽

勸懲一字必期安試觀三百年間事已意會無愛惡

于

我

皇祖時曾集大小臣工於瀛臺宴賞甚盛典也茲因

西成豐稔百物蕃昌於八月二十八日賜宴

公卿庶僚於瀛臺以昭繼繩宜豫之意得詩

四首并示諸臣其欲廣韻者聽

趨陂鵠侶接鳴珂霽宇空澄氣色和共喜向筵開早

菊多緣紀歲得嘉禾柏梁臺畔騰牋集仙萼亭邊載

皇清文頌續編

卷首六

詩

四

筆過緬想

虞廷傳盛事颺言何以繼廣歌

鏡中樓閣五雲稠皎日揚輝素景浮湛露詩成天酒

下蓼蕭樂作徵招流曲江早獻千秋鑑梁國還登太

液舟三世方明陪御賞

大學士張廷玉之父曾侍皇祖西苑宴賞今與其子

若霽共陪此會亦盛事也從教佳話冠螭頭

璇霄猶靚曉蟾娟濟濟冠裳擁慶煙丹粟香中陳桂

醕玉山頽處酌瓊筵崇牙徐聽鈞天奏高閣遙聞畫

漏傳此日含毫多沈宋昆明漫數景龍年

龍葱雞樹翠華留相悅君臣共唱酬鎬上宴開惟卜
畫樓前醕賜正登秋在陰鳴鶴方靡爵樂藻遊魚不
避鈎試問彬彬玉堂客瀛臺然否卽瀛洲

御園初春卽事

燈事將闌月漸弓文窗點筆向東風池心幾許春冰
脆簾角一番晴照融凍柳欲迴消去綠溫花難駐幻
來紅每因代謝叅生滅畢竟循環無始終

皇清文穎續編

卷首天

詩

五

竹塢雲軒路逕斜芸鑪茗椀各清嘉侵尋書課消繁
慮次第閒情樂歲華啁樹春禽彈舌綺友松古鶴泯
心葩中庭步履知消息嫩綠綠階已作芽

結習詩吟未盡刪搜題月下更花間也知是道誠何
益且喜流光往復還帶雪高峯明碧落向陽新水響
潺湲邇來底覺相應處憂喜頻經開後閒

趙北口卽景

紅橋長短接溪川溪上人家不治田半笠滄波三月

雨一隄楊柳兩湖烟孳將鶯鴨無官稅捕得魚蝦足
酒錢今日飽叅漁者樂鳴榔春水綠浮船

燕南趙北舊曾聞歷覽真逢意所欣蒼雪溪山吳苑
畫瀟湘烟雨楚天雲漁歌隔浦驚鷗陣客舍開窗數
雁羣方喜湖光滌塵垢何來詩思與平分

子貢手植楷

駐蹕亭前有嘉植亭亭特立學高賢一株爲想千雲
霧數劫那隨變海田遠勝移根從異國曾依築室更

皇清文穎續編

卷首天

詩

六

三年檜師楷弟何相似又見孫枝長葉邊

奉

皇太后登岱麓

十八盤前候

大安天門雙闕倚欄干

萬年王母會仙母此日和鸞接彩鸞雲看吐吞成幄
幔輦教扶掖度嶺岼南山獻壽無須比寶算崇齊泰
嶽端

上巳日曉行卽景

風勢徐停夜雪闌鳴鞭驛路破春寒清流幾道循環
渡素色千峯迤邐看澗浹土膏微益麥漲生峽口細
增湍蓋藏頗有村墟靜畧得愁心到此寬
十里平蕪綠意齊蒼茫墟市霽烟低風光上巳真佳
矣春色三分已判分稚子絲牽雲鵲鵲村孃盤貨水
刀圭郊行卽景堪成賞何必香山憶舊題

蕊珠院

皇清文頴續編

卷首下

詩

七

暢春苑湖中傑閣數楹上摩清顙下瞰澄波

皇祖題之曰蕊珠院朕奉

皇太后駐蹕是苑每問安視膳於此信乎清都之境

不老之庭也因成長律敬勒壁間

鏡裏岑樓號蕊珠網軒四面遠山圖

堯年寶露猶霑樹

王母香華每降廚地是上清無暑境庭名不老列仙
都六星又見朝南極鸞鶴紛隨瑞靄扶

九月五日詣暢春園恭請

皇太后聖安卽視事於觀瀾榭引見於大西門其地
長樓橫亘卽

皇祖曩時閱射處也爰親御弧矢集近侍諸臣較射
時惟深秋風高日晶氣候清肅弓手相調連
發二十矢中一十有九儒臣侍列與觀者援
唐臣元武闕觀射故事賦詩進覽因用侍郎
齊召南韻成四律紀之

皇清文頴續編

卷首下

詩

八

暢春松柏茂南山

王母樓臺瑞靄間侵曉間

安欽養志競辰考政敢偷閒惟寅宗伯應輪直啟事

山公更合班是日禮部值班奏事
吏部亦帶領引見次第指揮還有暇

便教玉靶一親彎

延樓橫嶺正相當遙見扶空樹葉黃

示儉已看霏細草縱禽底用獻長楊論文誰繼伯僑
庶較藝原多斛律光安不忘危古有戒金川況未靖

天狼

憶年十二此呼嵩

聖眷靈承衆不同每向月輪能中鵠遂蒙

天笑亦頒弓

子侍蒙

皇祖於此閱射時年甫十二皇祖指授射法輒能發矢命中

仰荷嘉獎

王墀肅列猶鴛鴦匡衛紛趨如虎熊

我遜貞觀能致治且循習射教臣工

秋原馭娑一鳴鞭遠入烟隄近柳前橫過綠殘紅重

嶺俯看雲白菊黃天幙頭導中誠堪笑連網周隄未

皇清文穎續編

卷首下八

詩

九

是田厯覽西成堪額慶敢忘兢業詡豐年

大學士張廷玉年幾八袞猶日趨朝念其敬慎

夙著特加優禮命五日一入內廷備顧問如

宋文彥博故事更成是什以勸有位

職曰天職位天位君臣同是任勞人休哉元老勤宣

久允矣予心體恤頻潞國十朝事堪例汾陽廿四考

非倫勗茲百爾應知勸莫羨東門祖道輪

大學士傅恒經畧四川效忠宣力誅渠魁破堅

壘申明紀律大振軍威番酋窮蹙乞命經畧

大學士銳意蕩平未允其請朕宏解網之仁

下詔班師召大學士還朝襄贊勞績茂著詩

以賜之

安邊底績本丹忠請命番酋勢已窮上將有心期利

執大君無物不包蒙那須一月聞三捷早覺千忻達

兩宮晉國勤勞予厘念速歸黃閣贊元功

歐鳥何庸盡覆巢好生天地德含包歌成宵雅八章

皇清文穎續編

卷首下八

詩

十一

句著得同人九四爻兵洗蓬婆春淡蕩首稽獫狁面

類頤蜀民安撫勤籌畫心契元良泰陞交

經畧大學士忠勇公傅恒率師進剿番酋忠誠

奮發志期殄寇執奏再三朕揆勢度理以允

降班師休兵息民爲經國遠計彼匈奴未滅

何以家爲者乃票姚貳師輩武人銳往立功

之概大學士輔弼元臣抒誠贊化名耀旂常

正不必與兜鍪鬪師爭汗馬一日之績詩以

示之

三面姑開格蜀夷來調說鼎佇期之集思廣益卿誠
踐勤遠勞民我不爲武豈佳兵應戒彼績惟和衆孰
同斯功成萬骨枯何益壯志無須效貳師

二月十四日經畧大學士忠勇公傅恒奏報金

川番酋莎羅奔狼卡攜其徒醜相率隨提督

岳鍾琪以二月初五日親詣軍門築壇納款

匍匐稽顙永矢歸誠經畧大學士升帳受降

皇清文頌續編

卷首天

詩

十一

開誠撫諭遠近番漢官兵觀者數萬衆靡不
歡呼忭舞膚功克奏邊境牧寧露布驛聞喜

而有作

止戈爲武信其然我澤如春經畧宣共喜捷音來玉

闕何殊俘虜自金川番酋路左心傾服軍士行間氣

倍鮮單騎汾陽休比擬都因忠赤格

穹天

孟夏下浣之七日

皇太后賜膳於暢春園之集鳳軒是地近大西門去

歲習射於此發矢二十中十九因用齊召南

韻成詩四首勒於壁間茲以侍

膳視事之暇陳馬技以娛

慈顏親發十矢復中九且破其的者三焉

聖母豫悅仙苑增春輒疊舊韻以誌歲月

萱齡長此祝如山鏡面軒齋圖畫間樂對清陰蒲節

近欣陪

皇清文頌續編

卷首天

詩

十二

色笑鳳樓間勸餐敬進仙廚膳視事旋催朝士班馬

技更陳新雨後遙峯澄景黛蛾彎

封事籌裁懼弗當無私兢業奉

元黃蒐材常冀空羣駿較武均期中葉楊每切祈年

容穡務豈惟問景賞烟光賢臣集事窮番服烽息今

休成白狼

心殷

愛日奉維嵩涼室溫闈地不同喜向

座前親捧爵更看樓外競彎弓高岡萋萋將儀鳳閒
館蝸蛸陋射熊

家法儀型巍蕩近此勤民政亮

天工

宰地楊絲拂玉鞭蘭舟遙待葦洲前試調馴馬雲中
錦便泛澄波鏡裏天疊賦新詩酬勝會喜緣甘雨遍
公田惕乾未敢忘初志多故猶然憶去年

曉行二首

皇清文穎續編

卷首天

詩

七

背指雲莊碧巘標輕寒微遞素秋朝兩山抱谷行十
里一水縈流渡廿橋常喜村墟聞犬吠不教父老訝
雞翹精藍猶在翠微裏只許鐘聲林外飄
漩渢迴環白石磷蒼蒼露芷更烟蘋源頭自是新過
雨渡口旋看暴漲津通野望中全入畫間程行處那
生座所欣高下豐收定纔得茅簷鮮歎貧

敬題壽萱堂

於山莊建屋一區爲

皇太后臨幸憩息之所名之曰壽萱堂而題以詩
名山結構儼名園宜備堂闡奉

清溫塞上有松教傍鶴山中無草不成萱所欣佳景
供

慈豫奚用雕甍更綺軒勝處文言難擬議仲長樂志
已曾論

大學士勤宣伯張廷玉屢以年至乞休慰留未

允近見其齒躋大耋精力視前較減優旨予

皇清文穎續編

卷首天

詩

古

告俟開春冰泮登舟賜詩三章以示眷注

早懷高義慕懸車異數優留爲弼子近覺筇鳩艱步
履得教琴鶴返林閭銀毫無奈吟輕別赤芾還看賦
遂初擬問蘭陵二疏傳可曾廿四考中書

兩朝綸閣謹無過況復芸窗藉琢磨此日蘭舟歸意
定一時翰苑悵思多善娛鄉黨銷閒晝穩趁帆風送
去波南國詩人應面晤

謂沈德潛

爲詢食履近如何

坐論朝夕久勤宣間別何能獨惻然同事當年今幾

在得輿碩果又言旋江湖卿樂真饒後廊廟吾憂詎

忘先指日翠華臨幸處歡顏前席問農田

書福詩

歲暮書福以賜廷臣謹遵

皇考成例亞禧敘福之義於是爲昭每欲成詩以不
得佳句而止茲當清暇復此迎年揮翰之餘拈
鬚有作亦不復計工拙云

近始藩屏逮百僚臨軒書福慶恩昭九疇箕子疇書

皇清文頌續編

卷首天

詩

五

演一筆王家筆陣超嘉興紅箋迎介祉相扶綵勝煥

元朝不徒弄翰欽敷錫

家法繩承仰

聖堯

豐澤園宴準噶爾夷使

光春嘉宴液池頭廣幕高張愷澤流小部魚龍陳角

觥遠方玉帛建渠搜薄來厚往遵經訓戢武安邊表

大猷瑞雪應時晴更好午暎意似爲人留

草色

一帶褰腰幕地青扶輿春色已形形向陽遠入烟光
薄傍渚平分水黛冷誰道文章屬桃李幾多生意罨
軒輅所欣在彼不在此早見來牟綠滿町

唐縣覽古

坡陀十里度遙巡覽古偏遲行路人於二典中欽往
聖縣有帝堯
帝舜廟況三代上卽斯民青帘不買中山酒綠

柳全呈滌水春豈有新奇傳治法年豐無事漸還醇

皇清文頌續編

卷首天

詩

五

丙寅秋西巡時唐縣老民劉永壽年百有一歲

曾賜之金與食并成長句今一百五歲矣矍

鑠猶昔扶杖來迎旣欣人瑞輒以命篇

高年一歲度如旬百五春秋豈易臻重見期頤迎蹕

路幾書亥字與時人自云老矣今扶杖我道仙乎爲

駐輪矍鑠精神教孫子力田孝弟作良民

閱本

黃閣封章驛騎馳不因巡幸懈疇咨四方暘雨隨時

較萬姓安危切已思亦曰欽哉貫謨典允惟難矣作

君師兢兢無敢渝初志勤政常承

家法貽

璣廬

十笏差強四季宜程途日易向無移琴齋瀟洒何殊

爾布帳單寒却念之蓮綴玉蟲批諾罷蘭垂金穗覓

題遲謾言宮室輪苞茂大禹應還較此卑

題旌忠祠

府治西祀明楊繼盛

皇清文穎續編

卷首六 詩

七

捐軀不為逆龍鱗兩疏千言萬古新直使權臣陰喪

膽何妨烈士顯忘身降神獨萃扶輿氣懷古重過滌

水春居節丹青藏寶笈

內府藏居節所畫小像入石渠寶笈上等

是箇中人

獵

青郊小隊試春蒐弓燥由來趁手柔拂柳乍教輕騎

過射獐宛憶少年遊五旗不易都隨指三網嫌多漫

槩收講武詰戎自

家法還應孳育閔虔劉

題耶律楚材墓

有序

墓在甕山好山園之東昔年營園時以其逼近

園門故培土為山其上以藏之聞其為楚材之

墓久矣使閱時而湮滅無傳豈所以褒賢勸忠

之道哉因命所司仍其封域之制并為之建祠

三間使有奠饋申酌之地并命汪由敦為碑記

而題之詩如左

皇清文穎續編

卷首六

詩

六

曜質潛靈總幻觀所嘉忠赤一心殫無和幸免稱冥

漠有墓還同封比于窀穸即仍非改卜堂基未沒為

重完摛文表德輝貞石臣則千秋定不刊

經金山題句

有序

玉泉山北舊傳金山者明景帝陵在焉明樓寶

城之制全無圍牆碑亭已頽廢不全自圓明園

幸香山每經過之惻然興感因命所司畧為修

葺禁樵採并成是作

尺布淮南自古傷南宮西內兩相當奉迎業未符興
慶割裂差惟勝靖康公主墳園隣薄厝人壙穴詡
深藏十三陵尙輪華侈何況相仇璧閭牆

致仕侍郎沈德潛具摺請安并錄進詩文稿賦

此賜之

與居封事寄南雲快讀新詩益慰欣起我七言還借
爾嘉卿一念不忘君黃山雲海觀何壯綠野林泉咏
更芳爲語餘年勤愛護來春吳會共論文

皇清文頌續編

卷首下

詩

九

雲林石室

詰屈蘭椒路轉通到來石室碧雲叢秋山留得夏山
綠柿葉先於楓葉紅千朶峯蓮入蔥蒨四垂天蓋倚
崆峒鐫崖竭詠昨秋句依舊時光默會中

半天樓

高處爲樓號半天田盤萬槩覽都全設無奇句堪酬
景但是凡人便合仙東指滄溟呼皓月北臨紫蓋鬱
蒼烟落來花雨渾無著卉欵罡風掃四禪

曉遊天成寺

仄蹊曉露濕叢蘭秋半金風了不寒石抱土生奇樹
瘦徑穿雲出小天寬暗泉聲是東陽樂翠柏舞爲瑤
鳥鸞不羨仙都結遐想每來初地愜清歡

衆春園

建置何分李昭與韓琦名園輪奐喜重看盆中雪浪
水之變齋外霜華氣已寒畢竟千秋有公論且教一
响適清歡前年圖取人何在四句金剛如是觀

皇清文頌續編

卷首下

詩

十

詠蘇軾雪浪石

白石盆中浮雪浪髯翁遺跡入評吟頗誇南北八州
牧豈惜清華二翰林早是奎星獨稱古不然山骨詎
隨今如坡不乏遭沈滯鑑取人明惕我心

光武帝祠

漢鄆縣今在趙
州柏鄉之間

蛙聲紫色不堪論淡髓高文累葉恩千古中興帝首
出秋風斜日廟仍存手提三尺知兵要身致太平究
治源望漢臺今何處是村氏伏臘自羔豚

宋璟祠

驛路秋風度古襄叢祠遙見柏塋旁生平事業期房
杜身後調和恨李楊三代斯民由直道千秋名相示
周行魯公響揚碑重讀氣味相投要在剛

恭題磁州

御射亭

皇祖西巡迴蹕射柳於此爾時大吏建亭紀績景仰
德威益凜繼述

皇清文穎續編

卷首六

詩

五

射柳名亭氣象雄千秋

聖日照臨中肯教貞觀專前美真令由基拜下風安
不忘危四時狩所其無逸萬方同孜孜繩

武心恒篤未敢亭前一引弓

經岳武穆祠

翠柏紅垣見葆祠羔豚命祭復過之兩言臣則師千
古百戰兵威震一時道濟長城誰自壞臨安一木幸
猶支故鄉俎豆夫何恨恨是金牌太促期

恭瞻

皇史宬

五代神謨秘典垂

崇成扁鑰壯鴻規蘭臺令史無慚筆綸閣元臣有職

司內閣所掌百世聰聽欽

寶訓萬年永茂衍宗枝玉牒並藏於此瑤函金匱前朝制殷

鑒兢兢念在茲

維揚覽古

皇清文穎續編

卷首六

詩

五

清晨解纜發秦郵落照維揚駐御舟岡有槍旌宛是
蜀山纔培塿亦稱浮建牙鎮靜猶傳謝通守文章更
紀歐寂寞隋堤烟柳在秋宵誰見亂螢流

宴準噶爾夷使

渠搜入貢值巡方後隊隨行許覲光麾去招來遵我
約毡裘帕額適其常三巡湛露申歡豫二月東風正
豔陽深戒誇奢纏錦樹盈寧畧足示來王

題德壽宮梅石碑

臨安半壁苟支撐遺迹披尋感慨生梅石尙能傳德

壽茗華又見說藍英宋時茗梅久萎藍英畫梅鐫於石一拳雨後猶

餘潤老幹春來不再榮五國風沙埋二帝議和嬉樂

獨何情

過明故宮

六朝崇構早摧殘基剩明宮烟草寒木鳳已聞翔北

闕石鯨無恙枕春瀾胡寬巧思真重觀鄒緝忠言信

不刊諫成祖遷都者周監在殷殷監夏凜然動念慘然看

皇清文頌續編

卷首天

詩

三

題太平箭

金陵太平門其左扇一箭飲羽又餘箭痕者二

爲順治年間取江寧時澹臺都統所射駐防人

不忍湮其跡故常整葺存之經過謁覽輒成近

體

人心天命向清時江表安能一木支況復處堂仍燕

樂豈能怒臂拒雄師鷹揚三箭皆飲羽烏合千軍盡

倒旗應勝天山樹邊績英名長共石城垂

先后親蠶圖成命弄藏蠶館並誌以詩

農桑並重以身先創舉崇祠薦吉蠲秋葉哀蟬驚二

旦春風浴繭罷三年宛看盆手成新卷益覺椎心憶

舊絃柘館蕭條液池上分明過眼閱雲烟

寒瓜

野店寒瓜可當蔬村民生計覽吟餘芻棚茅舍紛懸

處細雨涼風欲熟初體會遙思栗烝在荒唐漫說東

還如烹蒸雅合山家供肉食休誇丙穴魚

皇清文頌續編

卷首天

詩

三

獵

豐草長林獸所都時平習武試三驅林霜始降鷹嫌

葉野露猶霑馬惜蕪豈必虞人竭陂澤未能君子遠

庖廚日斜頌獲帷城外惠逮惟均洽衆娛

觀近稿偶題

年來微覺賦詩多卽景還頻選字哦業就無妨姑且

置再繙或已忘如何鯨魚碧海非吾事華日卿雲慕

古歌只有勤民心可驗時時憂樂寄書禾

題居節畫楊繼盛小像

有生孰不惜華年生死還應義以權遐想皋夔千載
上豈辭龍比一身捐鬚眉正色真無忝史策芳名歷
久傳西市從容吟四句丹心浩氣至今懸

題漢玉斧珮

方折凝精旭承暹辟邪恒協吉祥占隋珠和璧難爲
寶殷鉞周刀義取廉修月應歸仙幙枕含章猶見漢
靈炎可貞因憶從王事特達如斯詎久潛

皇清文穎續編

卷首三

詩

圭

謁金太祖睿陵

開國金源肇自東一時攀附會雲風丕承肆伐追遼
帝善任知人類沛公史策鴻猷傳赫奕睿陵佳氣闕
龍蔥建康前歲猶親奠況復龍興渤海同

過金世宗陵留句

牧擾樵侵不忍言重瞻宰樹鬱陵園事殷不襲三分
跡稱姪何殊一統尊君德已臻小堯舜國風每溯舊
根源愛民勤政心無斃景仰高山志所存

恭奉

皇太后啟蹕幸避暑山莊之作有序

溯豐鎬發祥之地靈萃萬年憶椒薌躬薦之秋
星周一紀載瞻

祖烈祇謁

丹邱爰諏口至之上旬適度天中之令節敬扶

安輦暫駐山莊時則準噶爾部策凌策凌烏巴什等

率衆來歸迎鑾肆覲用卽卷阿之勝境錫茲湛

皇清文穎續編

卷首六

詩

圭

露之鴻儀迨夫候屆金韃迺復時巡東國禮因

事舉詩以日增啟蹕初程命篇伊始

追遠柔遐慶典覃天中卜吉啟行驂東巡五載茲惟

倍前以乾隆癸亥至盛京閱今十年餘矣西極四夷彼剩三準夷四部

日都爾伯特日和碩特日輝特策凌等則都爾伯特部也計里方欣日正永清塵

喜值雨霑甘山莊避暑今年信

家法欽承敢卽耽

宴都爾伯特親王策凌郡王策凌烏巴什等於

萬樹園詩以紀事

萬樹參天煥曙霞
穹廬酒醴樂柔遐
薰風五月偏含爽
湛露三巡共拜嘉

天與人歸寧可拒
茅分爵錫自應加
徵招應律歡情洽
試聽編鐘設虞牙

渠搜何必鎮天驕
來賀傾誠不憚遙
外廐馬爲中廐獻
新賓人併舊賓邀

鑄自可隨方俗冠服同教式

本朝避暑匪今厘惠遠千秋

皇清文頌續編

詩

卷首天

家法仰

仁堯

恭侍

皇太后觀荷

平湖香錦夏風吹長日承

歡此處宜已喜自天無暑氣可知隨地有西池當前

頓覺忘關塞開後何須較疾遲蓮葉蓮花不如藕愛

他延

壽縷絲絲

準噶爾輝特部台吉阿睦爾撒納歸誠信至詩

以識事

惠逮條枝宴賚陪烏孫又報挈羣來敢云德化俾苗格信是

天恩致宇恢重賞崇封吾豈靳推心置腹彼何猜山莊計日應重到

深意當年萬載培

皇清文頌續編

詩

卷首天

蒙古土風雜詠十二首有序

甲戌東巡由熱河出中關卽入喀爾沁境經敖

漢柰曼土默忒科爾沁諸部匝月迺至吉林所

見塞外土風多有可紀隨事命題各疏小序得

七言律詩十二首亦周爰諏度之義也

乳箒

以皮爲之平底豐下而稍銳其上捋乳盛之於

取攜爲便